

遽即停之可乎彼小小彈効之事煩論不已以塞其責而國家大事則視為尋常不為力爭如以為吾君不能而停之則是孟子所謂賊也臺諫如是又何取哉噫

○日暈兩珥夜坤方巽方北方如火氣三角山白雲峯腰巖石崩長四十尺

乙酉夜月微暈

丙戌彗星見於太微東垣外在軫星十四度去北極七十九度尾指西南長二尺五六寸餘焰入太微東垣內九卿星下色白流星出太微垣五諸侯星八翼星狀如拳色白其行屈曲無尾丁亥日晡暈夜雲開處彗星暫見還隱坤方南方如火氣

戊子兵曹啓曰近來日氣漸和且有非常之災上下皆為惶懼此

單子中人

書武臣罷散

皆武臣可用之人如有事變不得已用之此

人等若散在四方則倉卒之際難為聚合若付習讀或內禁衛或軍職而聚在京師則雖有事變可以用之也罷散之員啓請收叙極為重大不得已敢啓傳曰褒貶居下經二年收叙亦法也辛敬輿